

Kapitali 8. PEQQISSAASUTUT SULISINNAATITAANERMUT AKUERSIS-SUTIT

"Peqqissaasut sulisinnaatitaanerat sulinerallu pillugit Inatsisartut peqqussutaanni 30. oktober 1995-imeersup" akuersissuteqarfingineqarneratigut Kalaallit Nunaanni peqqissaasut akuersissuteqarfingineqartarne-rat 1. januar 1996-imi atuutilersinneqarpoq.

Peqqussut naapertorlugu Kalaallit Nunaanni peqqissaasut immikkoortukkuutaat ilaanni danskit akuersis-suteqartarnerannut sanilliullugu annertunerusumik pisinnaassusilerneqarput. Tamanna pisariaqarpoq, Kala-allit Nunaannimi nunat immikkoortuini arlalinni namminersorluinnartumik sorianik isumaginnittooqartarmat ilaati-gullu nakorsat suliassaat suliffinni ataasiakkaani akuersissuteqarnikkut suliaqartoqartarmat. Taamaattumik peqqissaasut taamaallaat kalaallit akuersissutaannik pigisaqartut peqqissaasutut kisimik sulisinnaatitaapput. Nunani avannarlerni ataatsimoortumik isumaqatigiissutigineqartut naapertorlugin qinnuteqaateqareernikkut peqqissaasut ilinniarsimasut Kalaallit Nunaanni sulinissamut akuersissutillit atorfinitssinnejqarsinnaapput. Tamatuma saniatigut peqqissaasut nunanit allaneersut kalaallit akuersissutaannik pigisaqarsinnaapput, ka-laallit ilinniarsimasaat assigalugit ilinniartitaanerat qaffasissusaa eqqarsaatigalugu naapertuuttuusimappat. Piffissamut aalajangersimasumut akuersissuteqartoqarnissaa pisinnaasutut periarfissaavoq, kingulianili naatsorsuutit piffissamut aalajangersimasumut akuersissuteqarnerit ilangunneqanngillat.

2010-mi nutaamik sulinissamut akuersissutigineqartartut 170-inut ikileriaateqarput. Kalaallit Nunaanni peqqissaasut sulisorineqartut 300-rluinnaapput, qinnuteqaatigineqartullu nutaat ima nassuaaserneqarsin-naapput, atorfeqartut atorfimminni sivisuumik atuuffeqartarnerat, siornatigut peqqissaasut amerlasuut sivi-kitsuinnarmik taartaagallartutut sulisarsimagaluartut. Tamanna akissaatiginnerulerermik peqquteqarsin-naavoq, aammali Danmarkimi napparsimmavinni ileqqaarniarnermk peqquteqarsinnaallutik, suliffis-saaleqinerullu Kalaallit Nunaanni atorfinitartut amerlanerulersimannerannik kinguneqaataasimasinnaavoq.

Takussutissiaq 23	Peqqissaasut akuersissuteqarfingineqartut		Taakkunanng Kalaallit Nunaanni ilinniagaqarsimasut	
Ukioq	Amerlassutsit	Ukiunut tallimanut agguaqatigiissillugit	Amerlassutsit	Ukiunut tallimanut agguaqatigiissillugit
1996 - 2000	367	73,4	36	7,2
2001 - 2005	1067	213,4	26	5,2
2006	222		2	
2007	253		8	
2008	237		8	
2009	187		11	
2010	170		9	
Katillugit	2503		100	